

# **Specijalni predstavnik Evropske unije/visoki predstavnik lobira kod ministara unutrašnjih poslova tražeći podršku za olakšanje viznog režima**

Specijalni predstavnik Evropske unije i visoki predstavnik u BiH, Christian Schwarz-Schilling, će sutra učestvovati na sastanku ministara unutrašnjih poslova Evropske unije u Beču. Sastanak na kojem će se razgovarati o ulozi unutrašnje sigurnosti u odnosima između Evropske unije i njenih susjeda baviće se pitanjima nelegalne imigracije, krijumčarenja, terorizma i organiziranog kriminala.

Visoki predstavnik će naglasiti ministrima unutrašnjih poslova Evropske unije da je u Bosni i Hercegovini postignut značajan napredak te potcrtati činjenicu da:

- Državna granična služba sada pokriva sve granične prelaze u BiH,
- SIPA radi svoj posao,
- su uvedene zaštićene lične karte za strane državljanе sa stalnim mjestom boravka u BiH,
- je otpočela revizija naturaliziranih građana, i da
- je uspostavljen centralizirani informativni sistem kontrole izdavanja viza.

Uspjeh Bosne i Hercegovine u rješavanju pitanja nelegalne imigracije je očigledan na osnovu brojki koje pokazuju

značajan porast u broju spriječenih nezakonitih ulazaka u zemlju.

Pored toga provedene su značajne reforme u pravosuđu Bosne i Hercegovine; miješanje politike je eliminirano čime je omogućeno uspješno i profesionalno krivično gonjenje ključnih osoba u sferi organiziranog kriminala i visoko rangiranih političara.

Specijalni predstavnik Evropske unije i visoki predstavnik će takođe naglasiti da BiH, koja je sada postigla značajan napredak u evropskim integracijama, počinje da primjenjuje načelo odgovornosti i kao rezultat toga Evropska unija treba da pruži svoju punu podršku. Specijalni predstavnik Evropske unije i visoki predstavnik će apelirati na ministre unutrašnjih poslova Evropske unije da preduzmu konkretnе mjere u pravcu olakšavanja uslova za dobijanje viza za određene ciljne grupe, uključujući privrednike, studente i naučnike.

Specijalni predstavnik Evropske unije i visoki predstavnik će jasno staviti do znanja da postojeće restrikcije pri dobijanju viza ograničavaju potencijale BiH da konsolidira i ubrza ekonomski razvoj što je preduslov stabilnosti i demokratske i održive budućnosti. Olakšavanje poslovnih putovanja je preduslov za uspješnu ekonomsku integraciju.

Specijalni predstavnik Evropske unije i visoki predstavnik će se takođe zalagati za to da studenti i nastavnici, ključ za svjetliju budućnost BiH, trebaju biti u mogućnosti da lakše putuju u Evropu, te budu u mogućnosti da se takmiče sa svojim budućim evropskim partnerima.

Specijalni predstavnik Evropske unije i visoki predstavnik će izraziti svoju zabrinutost zbog prošlosedmične najave u vezi sa povećanjem naknada za izdavanje viza za Evropsku uniju nakon 2007. godine. Specijalni predstavnik Evropske unije i visoki predstavnik će naglasiti da ova naknada iznosi pola mjesecne plaće većine građana BiH i predstavlja

neproporcionalan teret.

Specijalni predstavnik Evropske unije i visoki predstavnik će reći da Evropska unija mora uputiti pozitivniji signal stanovništvu Bosne i Hercegovine.